

**მეუფე დავითი - სინოდმა დავით გარეჯის საკითხზე  
იმსჯელა და დაადგინა, რომ საზღვრის ხაზი უნდა  
გაეკლოს 1937-1938 წლებში აზომილი და  
შემუშავებული გეგმების საფუძველზე დაბეჭდილი 200  
ათასიანი რუკების მიხედვით**



წმინდა სინოდმა დღეს დავით გარეჯის საკითხზე იმსჯელა და დაადგინა, რომ ეს არის ქართული ძეგლები და საზღვრის ხაზი უნდა გაეკლოს 1937-1938 წლებში აზომილი და შემუშავებული გეგმების საფუძველზე დაბეჭდილი 200 ათასიანი რუკების მიხედვით, რომლის გამოყენების აუცილებლობაზე 1996 წელს ორმა ქვეყანამ შეთანხმებას მოაწერა ხელი, - ამის შესახებ აბბა ალავარდელმა მიტროპოლიტმა, მეუფე დავითმა წმინდა სინოდის სხდომის დასრულების შემდეგ განაცხადა.

მისივე თქმით, დავით გარეჯის თემაზე საპატრიარქოს ტელევიზია გადაცემათა ციკლსაც მოამზადებს.

„დავით გარეჯის საკითხი იყო პირველ საკითხად გამოტანილი, რომლის თაობაზეც გვექონდა მოხსენება. მგონია, რომ არ არიან ისეთი ადამიანები მრავლად, რომელთაც

ეჭვი ეპარებათ დავით გარეჯის საქართველოსთვის კუთვნილობაზე და თვითონ ამ ქართულ თიბაიდის უდაბნოდ სახელდებული ეკლესია -მონასტრების ქრისტიანულ-ქართული წარმომავლობის შესახებ. სინოდმა ამის თაობაზე იმსჯელა, აღიარა და დაადგინა, რომ ეს არის ქართული ძეგლები და საზღვრის ხაზი უნდა გაეწიოს 1937-1938 წლებში აზომილი და შემუშავებული გეგმების საფუძველზე დაბეჭდილი 200 ათასიანი რუკების მიხედვით, რომლის გამოყენების აუცილებლობაზე 1996 წელს ორმა ქვეყანამ შეთანხმებას მოაწერა ხელი. ეს არის ძალიან მნიშვნელოვანი. რადგან ეს თემა აინტერესებს ყველას, სინდომამ მიიღო გადაწყვეტილება, რომ საპატრიარქოს ტელევიზიამ მოამზადოს გადაცემათა ციკლი დავით გარეჯის პრობლემატიკასა და ისტორიის უფრო დანვრელებითი ახსნისთვის“, – განაცხადა მეუფე დავითმა.